

Sarajevo 17.01.2018.godina
Aner Žuljević, delegatBOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODABosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljene:	17-01-2018		
Org. jed.	Broj	Priloga	Vrijednos.
02 -	14 -	19	55 / 17

10x

n/r gospođe Lidija Bradara, predsjedavajuća

Na osnovu članova 177 i 178 Poslovnika o radu Doma naroda Parlamenta FBiH, podnosim:

AMANDMANE**Na prijedlog Budžeta Federacije BiH za 2018. godinu****Amandman I**

Ekonomski kod 2601 - Vrhovni sud FBiH, koji iznosi 5.974.530 KM, uvećava se za 3.000.000 KM i mijenja se i glasi ekonomski kod 2601 - Vrhovni sud FBiH 8.974.530.

Iz ekonomskog koda 6153. Kapitalni transferi neprofitnim organizacijama - implementacija antikoruptivnih zakona u okviru budžeta Federalnog ministarstva pravde koji iznosi 5.000.000 KM, preusmjeriti 3.000.000 na konto ekonomskog koda 2601. Vrhovni sud FBiH.

Amandman II

Ekonomski kod 2801. Federalno tužilaštvo koji iznosi 2.140.666 KM uvećava se za 2.000.000 KM i mijenja se i glasi ekonomski kod 2801. Federalno tužilaštvo 4.140.666 KM.

Iz ekonomskog koda 6153. Kapitalni transferi neprofitnim organizacijama - implementacija antikoruptivnih zakona u okviru budžeta Federalnog ministarstva pravde koji iznosi 5.000.000 KM, preusmjeriti 2.000.000 na konto ekonomskog koda 2801. Federalno tužilaštvo.

Obrazloženje

Smisao predloženih amandmana je osiguravanje neophodnih finansijskih sredstava za provedbu Zakona o suzbijanju korupcije i organiziranog kriminala u FBiH (Sl. Novine FBiH broj 59/14). Navedenim zakonom jasno je propisan način finansiranja Posebnih odjela unutar Vrhovnog suda FBiH i Federalnog tužilaštva na način da se sredstva za rad ovih institucija **"osiguravaju unutar budžeta Vrhovnog suda i Federalnog tužilaštva"**. Osim što se dakle radi o zakonskoj obavezi, na ovaj način osigurava se i potpuna finansijska neovisnost ovih pravosudnih tijela od bilo kakvog uticaja predstavnika izvršne ili zakonodavne vlasti, što je jednako važno kako bi se ostvarili ciljevi koji su zakonom utvrđeni i postavljeni pred ove dvije specijalizirane pravosudne institucije.

S obzirom da Vlada FBiH iz nepoznatih razloga nije u toku 2015. i 2016. pa ni 2017.godine utrošila niti jednu marku od 3,5 miliona KM koliko je bilo predviđeno za finansiranje obaveza po navedenom zakonu u 2015., kao i

Sekretarijat

Adresa: Alipašina 41
71000 Sarajevo
Bosna i HercegovinaBroj telefona: +387 (0)33 563-900
Broj faksa: +387 (0)33 563-901
E-mail: sekretarijat@sdp.bawww.sdp.ba
facebook.com/sdpbih
twitter.com/sdpbih
youtube.com/sdpbih

1.000.000 KM u 2016., cijenimo kako je krajnje vrijeme da se u 2018. godini pristupi punoj provedbi ovog izuzetno važnog zakona, koji predstavlja ključno zakonsko rješenje usmjereno ka ubrzanoj i efikasnoj borbi protiv korupcije i organiziranog kriminala. Posebno je bitno napomenuti kako je stupanjem na snagu ovog zakona stvarna nadležnost za procesuiranje krivičnih djela korupcije, organiziranog, privrednog kriminala i niza drugih krivičnih djela prešla na Posebne odjele Vrhovnog suda FBiH i Federalnog tužilaštva. Time je krivično zakonodavstvo u FBiH nakon 2003. godine i reforme pravosuđa konačno vraćeno u ustavni okvir, s obzirom da je prema Ustavu FBiH borba protiv ovih krivičnih djela u isključivoj nadležnosti institucija FBiH. S obzirom da prijedlog Vlade FBiH o izmjeni Zakona o suzbijanju korupcije i organiziranog kriminala, kojim bi se njegova primjena trebala prolongirati do 1. jula 2017. godine, nije usvojen od strane Parlamenta FBiH, od februara 2015. godine, kada je ovaj zakon stupio na snagu, postoji ustavno-pravni problem nadležnosti procesuiranja navedenih krivičnih djela, jer to i dalje rade kantonalni i općinski pravosudni organi koji više nemaju zakonski utvrđenu nadležnost za takvo postupanje. S obzirom i na ove činjenice jako je važno osigurati sredstva i krenuti što prije sa primjenom Zakona o suzbijanju korupcije i organiziranog kriminala.

Osiguravanje 5 miliona KM unutar budžeta FBiH, koliko je prema procjenama predstavnika Vrhovnog suda i Federalnog tužilaštva dovoljno za potpuno osposobljavanje Posebnih odjela, zapošljavanje potrebnih sudija, tužilaca i drugih radnika, izvršeno je sa stavki unutar budžeta Federalnog ministarstva pravde "Kapitalni transferi neprofitnim organizacijama - implementacija antikoruptivnih zakona". Pet miliona KM koji je Vlada FBiH planirala unutar budžeta Federalnog ministarstva pravde za "implementiranje antikoruptivnih zakona" neophodno je planirati unutar budžeta Vrhovnog suda FBiH, jer se na ovaj način ne zna ni ko, pod kojim uslovima i za koje namjene može iskoristiti ovaj novac? Podsjećamo da je u setu antikoruptivnih zakona bilo ukupno pet zakona, te da se svi već odavno primjenjuju izuzev Zakona o suzbijanju korupcije i organiziranog kriminala, te je sasvim jasno kako se novac zapravo jedino može i treba planirati unutar Vrhovnog suda i Federalnog tužilaštva. Sve drugo je samo bacanje prašine u oči Parlamentu FBiH od strane Vlade FBiH jer se na ovaj način ni u 2018. godini, kao što je to bio slučaj i u 2015., 2016. i 2017. godini, za ove namjene neće potrošiti niti jedna marka, čime će se poslati zaista ružna poruka građanima da Vlada ne želi finansirati institucije namjenjene borbi protiv korupcije i organiziranog kriminala, te da ne želi poštivati zakonske obaveze.

AMANDMAN III

Ekonomski kod 6142 koji se odnosi na tranfer pojedincima u dijelu Budžeta predsjedavajuće i dopredsjedavajućih Doma naroda PFBiH u ukupnom iznosu od 60.000 KM, Ekonomski kod 6142- transfer pojedincima koji je na raspolaganju predsjedavajućem i dopredsjedavajućim u Predstavničkom domu Parlamenta Federacije BiH u ukupnom iznosu od 60.000KM te ekonomski kod 6142- transfer pojedincima koji je na raspolaganju Predsjedniku Federacije BiH i potpredsjednicima Federacije BiH u ukupnom iznosu 125.000 KM, se preusmjeravaju na novi ekonomski kod transfer "roditeljskoj kući" za djecu oboljelu od raka i njihove porodice u Sarajevu sa iznosom od 245.000 KM.

Objasnenje:

26. aprila 2016. godine u 11:00 na lokaciji Betanija bb u krugu Pedijatrijske klinike KCUS-a je otvorena Roditeljska kuća. Roditeljska kuća pružit će kontinuirani smještaj za djecu oboljelu od raka i njihove porodice, a koji dolaze izvan Sarajeva. Da bi ovaj projekat ostao održiv potrebna su i dodatna sredstva koja bi garantovala sigurnost svim korisnicima ovog projekta.

S obzirom da je na navedenom otvaranju roditeljske kuće prisustvovao Premijer FBiH gdje je izrekao vrlo jasan stav kako ce se Federacija kroz budžet uključiti u održivo sufinansiranje rada navedene ustanove u interesu djece i roditelja, smatramo kako sa ovim amandmanom neznatnim finansijskim sredstvima u odnosu na ukupan iznos budžeta FBiH pomažemo pravu stvar svi zajedno.

Dodatna potreba za ovim amandmanom je u činjenici da vec nekoliko sedmica imamo vrlo jasna upozorenja kako navedena roditeljska kuća ima nedostatak finansija za svoj normalan rad u 2018. godini

AMANDMAN IV

Smanjiti EKONOMSKI KOD 6154 - Kapitalni transferi javnim preduzećima (Transfer za izgradnju autocesta i brzih cesta) iznos 25.000.000 KM, a povećati za isti iznos EKONOMSKI KOD 6141 - Zakon o preuzimanju finansiranja neizmirenih obaveza za PIO.

Образложење:

U budžetu nisu planirana sredstva za uvezivanje radnog staža, a veliki broj radnika koji su radili u državnim preduzećima ne može ostvariti penziju zbog neuplaćenih doprinosa, te bi se na ovaj način ovaj problem počeo sistemski rješavati.

AMANDMAN V

Smanjiti EKONOMSKI KOD 6154 - Kapitalni transferi javnim preduzećima (Transferi za izgradnju autocesta i brzih cesta) u iznosu 3.000.000 KM, a povećati za isti iznos EKONOMSKI KOD 6142 -Transfer za rješavanje statusnih pitanja branilaca i članova njihovih porodica.

Образложење:

U budžetu nisu planirana sredstva za poboljšanje statusa RVI 100% paraplegičara, iako je još u 2016. godini Zastupnički dom usvojio Zaključak kojim je zadužio Vladu Fed. da iznađe sredstva za ovu namjenu, te bi se prihvatanjem ovog amandmana realizovao pomenuti zaključak.

AMANDMAN VI

Smanjiti EKONOMSKI KOD 6154 - Kapitalni transferi javnim preduzećima (Transferi za izgradnju autocesta i brzih cesta) u iznosu 1.000.000 KM, a otvoriti za isti iznos novi EKONOMSKI KOD -Transfer za obnovu nacionalnog spomenika Partizansko spomen groblje u Mostaru.

Образложење:

Zaštita i obnova nacionalnih spomenika je u skladu sa zakonom obaveza Vlade FBiH. S obzirom da je Premijer FBiH nedavno posjetio navedeni nacionalni spomenik, te obećao njegovu obnovu smatramo da navedena stavka u budžetu 2018 godine predstavlja prije svega i zakonsku i političku obavezu. Navedeni iznos bi naravno predstavljao učešće Vlade FBiH gdje bi se ostatak finansijskih sredstava obezbjedio kroz niže nivoe vlasti, te donatorska sredstva u okviru aktivizma nevladinih organizacija.

Aner Žuljević, delegat

